

《中國地方藝文薈萃》編委會 編

中國地方藝文薈萃

學苑出版社

華北卷·第四輯

華東卷·第四輯

肆

中國地方藝文薈萃

《中國地方藝文薈萃》編委會 編

貴州師範學院內部使用

松風餘韻五十卷末一卷（二）

貴州师范学院内部使用

松風餘韻五十卷末一卷（二）

（清）姚弘緒編

據清乾隆八年（一七四三）刻本影印

松風餘韻卷第九

目錄

明

朱元振 二十五首

朱佑 二十首

朱曜 一十三首

朱豹 二十九首

朱蟾 二十一首

朱子起 一首

朱察卿 二十一首

朱家法 二首

朱家聲 二十九首

松風餘韻卷九

胥浦姚弘緒聽巖編次

朱元振

家傳元振字士誠號壽梅一號怡閒以子佑仕贈奉政大夫著有壽梅詩集文徵明序之其畧曰壽梅集詩才百篇清新爾雅緣情寫事隨物賦形命意鑄詞無一長語蓋生在宣德正統間隱居求志外無兵戈之擾而居有邱樊之樂文酒燕游親戚情話發而為詞紆回冲遠無有吁咈真鳴盛之作也

清明有感

幾年客裏過清明今日還家髮已星荒塚草深還寂寂
長楸雲冷獨青青陌頭燕子衝寒雨江面楊花點細萍
時序傷心正無限暮林啼鳥不堪聽

訪海寧瓊上人

暫向祇園覓舊遊十年重到虎溪頭路迷瑤草晴烟護
香落曇花小澗幽山色青青僧入定湖光渺渺客維舟
相過欲盡浮生話石上猶煩半日留

述懷次楊鐵崖韻

野人無夢到朝班却喜林泉日日閒對鏡儘教添白髮
杖藜隨處有青山揚雄寂寞立猶在謝客登臨興不慳
况復年來轉強健且憑尊酒駐朱顏

來青樓

突兀層樓水面開，登臨偏喜絕塵埃。
窗含遠樹雲常護，簾捲西山雨欲來。
王粲有才還作賦，庾公多興且銜杯。
那堪日暮凭闌處，黃鶴何年尚未回。

偶觀朱淑真詩愛其新麗因追和暮春韻三首

寶篆香消午夢殘，衡門無事日常關。
蜂粘落絮隨風下，燕掠香芹帶雨還。
玉笛無聲花寂寂，畫輪稀跡草斑斑。
一番往事俱成夢，半榻高眠獨自閒。

懶隨年少競芳妍，戲看蜂狂與蝶顛。
細雨落殘花滿地，斜風吹舞絮漫天。
溪添活水知魚樂，枝長新陰借鶴眠。
總是惜春春不住，不如隨興了詩緣。

青帝匆匆駕欲辭
淡煙微日半晴時
水浮嫩綠魚衝破
花綴殘紅蝶戀遲
暖雨一簾添睡思
暮雲千里憶相知
滿懷多少傷心事
獨倚危闌欲訴誰

溪上草堂

幽人結屋傍巖阿
鎮日雲山擁翠螺
門徑曉來緣客掃
春風無奈落花多

寄錢學士

白髮飄蕭雪亂飛
老懷岑寂壯心違
涼生小簟辭紈扇
病起虛堂怯苧衣
葉落林間秋欲盡
苔生門外客來稀
仙郎池上春如海
猶問盟鷗舊釣磯

題湖山佳處

結屋傍溪流塵空眼界幽好山青入座新水碧凝眸松
竹東西徑菰蒲遠近洲源頭春雨足巖畔暮雲留林影
簾前亂波光席上浮倦遊懸謝屐引興放魚舟書積教
兒讀醅香爲客斲風光誇絕勝此地即丹邛

九日值雨有感

客裏逢秋易感傷又驚風雨過重陽尊中綠酒憑誰送
庭下黃花也自香百歲光陰嗟我老兩輪日月笑渠忙
風流却有陶彭澤詩向南山獨擅場

秋懷三首次答吳春阜見寄用杜韻 選一

忽看新鴈過江頭飛度衡陽點點秋剩水殘山千古恨
淡煙疎雨一天愁功名勘破同蕉鹿身世浮沉似野鷗

却憶立暉詩句好金陵遙望帝王州

過螺磯廟

螺磯夫人乃蜀先主之后

英氣千年化紫霓獨留殘廟枕江西樹高巖畔煙常鎖
花落祠前鳥自啼夢斷吳宮秋月冷魂歸蜀國暮雲低
往來水際孤舟泊夜靜猶聞動鼓聲

題畫

萬里遙天雨乍收水雲鄉裏着扁舟酒闌坐看南飛雁
影落澄河數點秋

題畫葡萄月

瓊漿萬顆熟秋風詰曲虬枝翠葉重夜半月移清影動
摩尼珠映藥珠宮

題松林讀書圖

高人結屋住林阿，簾捲西山爽氣多。
讀罷殘編清晝靜，數聲啼鳥隔松蘿。

與陳石泉陸顥齋往城南尋弘上人因留酌晚
歸有作

乘興來尋郭外山，駕湖南畔入禪關。
偶逢石上三生話，暫借松陰半日閒。
乳燕出巢風弄午，落花堆砌蘚成斑。
真憐惠遠能留客，却使淵明醉未還。

元日有感

旅館逢元日，蕭條倍感傷。
椒花誰獻酒，柏子獨焚香。
鳳唳三始鴻，鈞轉萬方願。
祈民物阜，衰老樂時康。

月波樓

樓瞰滄江月映空澄波倒浸廣寒宮
粼粼地縮金盤裏皎皎人遊玉鏡中
風露無聲秋浩渺山河有影夜空濛
畫欄十二閒凭遍知在層霄第幾重

楓岡瀑布

題趙孟
權所居

古木層岡勢鬱然劈開蒼玉下飛泉
恍疑雪浪奔千疊尤訝銀河落九天
淨色倒拖看若線寒聲清切聽如絃
尋源欲問涓涓處更閱南華第一篇

送吳春阜歸江西

傾蓋相逢若故知忍看征旆促歸期
一襟離思尊前酒千里馳情馬上詩
綠水錦帆人去遠青山紅樹客歸遲

他年步入層霄上定託緘書慰所思

采石晚泊月下望李謫仙墓有作

采石江頭晚泊船蛾眉洲上月娟娟騎鯨莫問入何在
對酒狂吟客未眠神魄定歸三島外文光直射九霄邊
千年舊跡今猶在煙水迢迢思惘然

夜泊烏江渡

舟轉西流似急梭江風入夜捲層波千年霸氣消磨盡
百戰山河感慨多斷礎殘碑遺古廟落花啼鳥付悲歌
漁郎不解英雄恨獨醉蒼苔卧釣簑

寄姚宗器

昔曾扶杖過君家滿泛清尊灑紫霞
遶屋有田多種秫

四簷無地不栽花
晚風牧唱歸樵徑
秋水鱸魚上釣槎
幾度懷思勞夢寐
何年同醉倒烏紗

贈友

五湖風月一扁舟
閱遍人間幾度秋
茶竈筆牀詩滿卷
腰纏何必上揚州

朱佑

〔家傳〕佑字民吉號葵軒景泰庚午舉人天順五年
銓試第一擢南昌府同知有治才著有葵軒藁夏
寅葵軒藁序予友朱君民吉元詩人仲雲先生四
世孫也四上春官不得舉進士僅拜南昌府同知
南昌張元禎翰林嘗語予曰民吉佐郡愷悌循良